

東洲草堂詩鈔

東洲艸堂詩鈔卷二十九

道州 何紹基 子貞

次韵荅黃海華太守時守永順

丁卯

友朋離合風搏沙平生四海爲一家東南歸來老隨至高齋寂
坐如枯鴉賴有同心二三爰時與灌溉詩萌芽近來病後稍健
復又苦昵酒兼貪茶羨君作郡得舊治十年重賞寒城花竹馬
兒童好快活杖鳩父老重歎嗟蠻山惡箐亦變化接天秀氣雲
難遮湘中秋冬苦久旱雖有雪意無由葩新年雷雪補寒令天
公晚益意自嘉時入仲春忽驟煥花事似比昔有加牀頭百蠶
倒不盡沾春愛向街頭賒花朝況有月一鑑屢聲不辨路幾又
古柳千絲已搖曳奇石雙峙爭含呀昔年彭安醉客處詩情酒
氣留餘露今宵泥飲苦相憶飛寄于蕃同海華翁詩來今始

報醉墨字字風吹斜

花朝醉忽堂蔭雲飲於怡園

題胡恕堂花陰舞綵圖

官高任重屢襄回忠孝難期兩字該秉節封圻敷歷後看花欣奉板輿來

禪堂清淨絕塵氛驚見斑衣黼黻文壽母襟懷同佛母萬花含笑戴慈雲

循聲先後叶簾塤祿養聯翩好季昆但願護齡逾百歲花開日日普霞樽

淡春無慮不花枝曠寄園中憶母時忽展畫圖生遠思阿連定有寄兄詩

同時持節在峨岷十載歸來竝七旬棖觸舊游翻羨極白頭洗腆更何人

黃子壽張力臣各枉贈長篇適見示小樓唱和詩賦此
奉荅竝呈黃岐農楊蓬海時東洲艸堂詩刻將竟

詩欲來時吾不知春風吹花千萬枝詩如不來姑聽之天空月
白意自奇韶光度盡九十日曾無一字描春姿宅人謂嬾豈知
我精經覈史方忘疲張黃兩君何所見各起異軍挑我師老翁
頽茶不可振未及還舍先偃旗雷聲自天屋瓦震雨勢到地竹
木披詩芽忽自艸根茁有句欲出還遲疑案頭巨冊試展誦乃
是小樓謠唱詩黃鐘大呂互響應木難火齊爭陸離古情正挾
奇氣湧諧詞賴有壯論持師友淵源甚矜重性情符采相綱維
兩君才望秉庭誥有似嵩華同厓屨園林閒敞啟壇坫儒彥翕
輯聯埴篴澧蘭沅芷古騷國三百篇後文在茲遙遙千載猶旦
暮觥觥諸子來規隨驚承佳製競騰躍快把破筆濡淋漓敢謂

瑕瑜有真鑒輒貢所見酬諏諮十年軍興楚材最名將正是書
生爲棄孤投筆乃多事殺賊艸檄隨所宜諸君報

國各努力治軍籌餼無閒時偶然得暇不同暇特假文字爲娛
嬉相期懷抱邁管葛允宜廢詠追皋夔憐吾老耄不遐棄頓覺
光采浮鬚眉自慚荒句擢蓊蔚尙冀剋論貶瑕疵江山蒼蒼入
東筭米鹽瑣瑣還災黎五十年中海內士交游氣誼存於斯斯
文元氣固有屬我宜分任旌與麾所關風雅正變義豈僅耳目
談宴資承先啟後繫絕續賞奇析疑何差池風歇雨止萬態靜
鵲語喜報升晴曦宛園老翁特好事又約花閒同一卮

次韵答黃岐農

道讓水部

岐農且字願爲民水部頭銜況絕塵獨自抗懷期尙友不嫌低
首閱時人天涯浪迹無狂態蚤歲辭官有性真聞道碧紗籠處

徧埽除牙慧得清新

一投簪紱卽齊民各抱詩懷且混塵久闊願言心愛我誤生斯

世語驚人

見贈有誤生斯世何同塵之句

由它僞體能千變欲證名山貴一眞

何日論文樽酒其眼中花事幾番新

去冬消寒小集新君適出省未與

贈王子閒

以恕

北上

武陵石喬太守之孫伯尊觀察之子黃南坡孫婿也

種德高門樹盡嘉與君三世接通家祖庭留得蓬山筆來歲應

看上苑花

誰人作吏似阿翁文武兼資冠二東聞道書生仍白面趙張循

政范韓功

五年樂社老經生幾度明湖載酒行今日宛園頻醉月愛聽甥

館讀書聲

少年豪翰壯游身首夏風光似好春來往江南山色裏玉臺添

得和詩人

晨過宛園

暖姿晨興氣似孩扶筇步向宛園來街頭不見人挑菜知是瀏陽門未開

庭院淡沈靜不譁敲門驚起露棲鴉敢嫌熟客成生客吠犬猱猶政可嘉

密竹都舍露氣香繞池三五好垂楊蠨蛸到處攔成網憐汝迴宵組織忙

止緣池水劇淡清欲種荷花不易成但得廉纖半宵雨又添三

日水車聲

池水須半乾方可種荷

初霞漸欲照樓臺后底泉聲入耳纔客去尙虞南安覺今晨不爲主人來

題勞辛亥沙鑑塘贈硯

辛亥督兩粵威著惠亦淡移節指滇黔湘上聯落岑持硯枉見
贈片后抵百金別後兩逾歲大星西南沈鑑塘肇慶守正駐端
谿潯低頭拜魯國百硯珍球琳魁然兩巨璞爲我鐫崎嶇誰知
硯至日一慟悲人琴烏乎兩君我交久氏屬皆緣性情厚知我
耆書不蓄硯聊藉石交抵瓊玖嗟從篆分法已遠千載書家幾
真手文房四寶檢擇精那有元氣迴肩肘我解肄書從冠歲如
折肱三折臂九壯後亦知珍硯材嶺外持節負而走但取發墨
便適用不解巖坑辨妍醜墨痕著硯不煩洗貴以精神活頑垢
兩君佳貺相繼至愴憶舊游神斗數憶昔先公立朝日桑梓後
賢奉山斗明經孝廉同歲舉前有癸酉嗣乙酉兩君俱以乙歲
至道古研文互鳴叩先公書律重輦下攜染鄉邦矜授受三十

年來蹤迹岐笑等白衣與蒼狗慙余接武柱下職資紱駸駸化
蒼者猥蒙存注久愈篤每枉尺書眞負負豈虞客歲同時徂贈
視瑩瑩照楹牖敬持端石比劒笏永保用之等彝卣東山使著
贈木視相伴多年磨未朽從今木石吾與居靜澹無言得其友
語鈴別後音問闊楚水燕山重回首

荷花生日荷池精舍作同周韓臣閣學周幼盒太守吳
稱三廣文主人則羅研生舍人也又字梅根尻士

荷花何必有生日荷花生日何必詩梅根尻士巧道暑藉良辰
爲譚宴期連宵悵雨邁新霽繞徑密竹搖涼颺荷花幾生脩到
此高齋介雅趣特奇長沙城中古荷池傳是宋元規趾遺乾嘉
以前盛文宴樓館圯盡餘荒陂幽藥年年自開謝野鳥拍拍來
覘窺忽營精舍我題榜謂將於此開經帷眾議差池講肆寢我

爲構度園亭基三湘義勇果冠世五忠傑立

允建祠重廊大廈地嚴祕褒忠攻獻事接隨梅根秉筆不及讓

淵識毅力誰敢疵高霞萬柄照硯几墨版百函森鼎彝褒忠錄已成編

沅湘文徵方仲刻勝賞凌晨興不淺眾賓笑我來何遲爲君數

典自國風鄭陳斷章資解頤姬公爾雅訓詁祖顧於荷不惜費

詞後來浚長辨文字蓮茄蓂蒲分毫釐翔實鄭重荷品貴彼梅

菊蘭皆後之吾鄉濂谿大儒出愛蓮說許君子姿芳臭真於道

味合綺豔有效才人嬉荷花生日出何典韵事不勞勤度咨羣

芳興廢古今異萬事變化煙雲馳梅根覽揆隔旬至菰蒲淡處

明綠漪綠漪精舍新秋風露浩無際容我花前兀傲傾千卮

梅根尻士初度日卽事作

前日往觀荷之華略拾倉雅供搜爬荷名芙渠其莖茄的薏密

萬箇蒼蘗讚爲麗艸波映赧伯陽餐之壽久遐

郭氏讀云芙蓉麗艸一日澤芝

伯陽是食餐比靈期踈不自壽昌其葩我詩突出淬鎮鄒羣彥

繼聲相唔呀諷其淨植脩且姱祝荷期頤不可涯大晴十日暑

更加城頭五夜鳴秋笳

時新幕勇上城催出天上紅日車凌晨早起展

碧紗喜聞打穀喧連柳走尋精舍荷池窪梅根尻士肇錫嘉六

十四鈴猶童娃月前悵泛天河槎翩然兩仙筠與霞

與郭筠仙劉霞仙同

庭洞同浮浩渺窮舒噉呂仙棗君山茶道根彌壯堅萌芽蛟

突舂等鹿麕五年以長髮鬢髮三十餘載水母蝦切直劬力

忘蓬麻登堂介雅缺鳧藻濂谿土物攜些些二客從我儕菜芭

太守初歸自三巴

周幼齋

廣文泐潭習趺跏

吳稱三

看我酒後揮龍

蛇猝不可識蚪與蝸倏忽峻坂馳駟驂無可羈勒墜厥軼擲筆

一笑誰敢誇池邊古梅微歎嗟百年鐵幹千杈桺年年獨先眾

卉花春風不恃羯鼓搥元氣遙遙接羲媧豈宜曠無生日耶願
附^附_{尺士}爲^爲隨^隨調^調尺士沈吟手百又同梅生日何疵瑕荷先梅後
理則差請俟中榆管^管測^測鼓黃鍾九德調笙瑟慶梅初度取義奢
羣芳聽命無紛拏眼前夏木千章遮想到枯林寒萬鴉雪花如
席整復斜暗香攢破柴籬笆咀嚼冰鞋鏘齒牙炎歆脫去如落
痴吁嗟名利眾士宜豪門弧辰開蠶衙蠅營蟻附堆縷綢錦障
金杯鬪紛譁何似野飲尊杯汙花前一醉差可夸荷耶梅耶宛
一家臭味定正不頗裏皆於尺士有葛瓜介荷餘韵堪搏塗雷
聲競競風颭颭欲雨不雨乃雨沙誰憚填橋聲植植微禽避侵
如憎^如簌^簌天孫婉婉雙髻了萬年乞巧盛筵或有餘巧容我賒
幸爲^幸砭^砭割^割詩癥痕何人剝啄門嘔啞又訂後約笑口哆^哆
_{涼還想}荷池宜有小艇划好隨鷗鷺嬉魚蛙先呈短詠非揄抑

恕堂中丞初度舟中晨集

蜺翁一病將四旬正遇炎天赤日烈居然逃出火宅來想見此
中炎不熱庭下兒孫嬌愈唯階前臧甬皆暢悅愛翁佛性種慈
悲祝翁仙鈴逾耄耄惟翁之生自邊壤有似奇珠孕窮穴精華
特達

天寵賁歷錄卅年星采徹半生節戍湖山明晚歲率鉏風味別
媿余於世百無補英蕩頻持真忝竊屠維協治生同歲止有蜀
游聯宦轍同時歸隱如有約回首名場驚一瞥湖山笑我能浪
游梅菊從翁趁佳節有時共醉風月繞又或聯吟金石裂欣聞
病起杖不扶正值覽揆弧宜設歡呼但有酒忘憂頤養豈恃膏
扶劣兩翁跳上小船敲三客續來雙槩掣曹穎生唐蔭雲
李仲雲後至人影
臨波化鷗鷺晨光滿抱如冰雪相期膚髮勤保養益健齒牙供

啖齧明季便是食肉時今日舟中飽魚鼈

題吳稱三

德義

所藏大興徐氏尺牘冊卽送之赴城步

廣文任

星伯徐丈人名重天

祿閣洎爲絕塞行專究輿地學李

申耆張

石及魏

默沈

敦子

同時

攷疆索爭斟元廣輪西域及朔漠誰期事

機伏漸

見中華弱

人立

傳後徐

青羅

諸陳

東之

遞作今日同文

館蛋已

開橐籥

當時

譚藝歡

我皆聞

其略

觥觥

盛名儒

夜壑大

息撫遺

時艱

竟安託

醴陵吳

稱三澹

靜不

模稜春

明恣

游目

古匱

歸行麟

卽此尺

牘

舊姓名

近可徵

非吾丈

人行

卽其同

志明皆

具淵雅

才或以

經

濟稱簡

札有奇

致未點

塵市蠅

殊勝佳

想帖通

侯費楮

繒一官

入窮僻

千里勞

寢興過

從接琴

樽臭味

無溜澠

贈言願

益勉古

東州堂詩

卷二十九

七

義勤服膺

約金竺虔司馬黃岐農水部劉小山張永言何叔川三
廣文小集席間得大雨喜而有作

百日不雨烘秋陽井枯

雖云田穀頗豐稔無奈畦

蔬多涸荒忽然雲陰震霖至欣然召客傾壺觴天公意與人意
接正值良宴沛潏雨聲欲壓叢竹風勢亂搖芭蕉狂坐客
金黃老仕宦冷官兼有劉何張論文諏古

誰期客去雨亦佳幽坐元對短檠光飛來詩境兩大字照

破茆屋四壁光

次日岐農叔川以詩至占此奉荅

講社城南苜蓿盤恰逢快雨潤秋乾天心爲活千畦菜地脈今

回萬井瀾

近日菜畦井水俱枯矣

遠道傳書詩境接

通揚海琴寄來放翁詩境兩大字屬題

重陽憶菊酒懷寬

菊花向無信

牆頭展響來新句風味幽奇屬冷官

詩境篇爲楊海琴觀察作

方爭若於韶之武谿道之窠尊桂之龍隱巖皆刻放翁
詩境兩大字因自號詩境甫下半又自刻龍隱巖詩三
首有七星五嶺驂鸞浮鷁等語其守道州抵任當在嘉
定五年壬申冬刻石卽在其時余昔曾得拓本於吳門
珍藏有年矣而吾州之窠尊今在報恩寺石面凹處篆
畫縱橫一字不可識蓋元銘瞿篆也詩境兩字竟無影
響咸豐辛亥余以母憂返里重修祠堂及鶴鳴軒書塾
仿放翁書意題詩境兩字榜於塾前又買得西偏柑橘
園構屋兩間纂輯家譜題爲諧軒又造環秀亭於東南
隅明年壬子服闋入都旋出視蜀學乙卯夏以言事被

議去游蹤靡定壬戌春始回州埽墓瞻尊鶴鳴舊社惟
環秀亭尙在其餘屋廬盡林木一空蓋壬子之夏俱
燬於粵逆矣今丁卯九日海琴忽以所得詩境拓本由
辰沅道署寄至湘垣屬爲題賞因綴緝所欲言者成詩
一篇吾州熊君蔣君兩碑載於隸釋者相傳明末始亡
其后每次回州徧訪不得海琴欲吾兩人以分書補之
余未敢任也承惠食物外有櫛九日當採菊字小牋甚
佳篇中竝及之

異哉放翁與好庵宋史兩傳相連參年鈴懸隔五十載蹤迹離
合豈易談粵稽開禧歲丁卯陸子拜爵稱渭南年高身遐荷襲
寵詩奇字古窮嬉酣聊復書符辟蝗蟹亦頗戒殺師瞿曇時蕭
山丞甫壯歲日侍老學如彭聃沃洲山近接几案剡谿藤滑霏

雲藍記公八札字太碎焦山巨題擊不堪乞與寧策兩大字何
異指月明千潭江山萬里騁周駿性靈一縷蟠春蠶放眼茫茫
總詩境雕鐫豈憚一再三協諧麗密後邨叙好庵此事淡醺醺
七星九曲恣攀躡驂鸞浮鷁搜衍餘想見高懷抱奇偉肯隨俗
士爲婀娜三使出入鄧公匹五議折衝金相慙誰期增幣竝函
首竟爲其易來王桺韶石桂嶺吾舊游懸厓古刻明煙嵐龍隱
拓從吳市購廿年未飽珍廚蟬吾州名碑有熊蔣久訪不得情
難甘窳尊篆勢亦沈翳賢守妙斲何由揆迴思咸豐歲辛亥鶴
鳴講社棲歸驂書堂家祠工竝舉諧軒詩境題聯龕明年粵氛
莽橫突一片焦土悲焚煥又越十載返桑梓無復小園垂橘柑
斷斷殘幘護幽懿冉冉翠墨騰粉穠楊侯昔守吾永州瀟瀟淡
處足目諳塞帷移指五谿曲千里如其丈席爾重陽風雨苦相

念溪山採菊知盈籃要將文藻飾蠻簪敢以荒陋嗤介鄭何詩
何境辨真幻卽境卽詩相吮舍聞君涪谿蚤結廬可庵煙艇同
則耽窳尊之刻非涪谿記憶錯誤笑老覃江山精靈有感應文
字糾結成愚惑辱君惠問甚懇款令我衰鬢忘鬢髮離間日精
苗玉藹竹根穉子抽瑤簪雖有尖團上市早可憐細瘦如癯癯
猥蒙珍品遠見餉齋庭羅列紛饗甌喜喚諸孫共噉嚼更分道
味供饗婪余有惜味齋額君亦有惜道之味印徑宜此幅竝照艸堂壁何苦詩題
巨軸又費來侔擔

錢南園通參爲羅慎齋鴻臚畫劣馬羅研生屬題

蕭蕭竹梧鳴不已
暖安獨酌風雨裏
壁間覩此畫馬圖
斂容停杯淡仰止
兩公

先朝之直臣諫垣皆以糾慝聞
一持使節一主講簪盍幾年湘

水濱通參餘事到書畫忽貌驪駒恣雄跨驍騰不氣
勸世
無伯樂誰驅駕可笑文淵鑄銅式骨法相傳如琢刻
見天
街仗馬繁成行錦障銀鞍好裘飾

南昌憶沈幼丹中丞

補錄乙丑年作

憶昔雍容職文史日日過從相勵砥我持蜀節君外擢官聲清
過西江水母病陳情

恩慰留銜悲已上建河舟入門一慟竟失恃

予假營葬

裏勸優堅請終喪遂不出中外同聲如有失我來南昌不得面
山影江光盡蕭瑟無論市賈與邨民處處謳思沈大人以人事
君使者職居然門下得名臣

聞大孫鍾曾北闕副觴喜音示諸孫

十月十二日夜

甫從米廩聽蓬壺京兆欣陪萃鹿歌萬里滄溟眞破浪

由輪船泛海入

三秋桂苑也登科祖孫貢樹傳香遠

先公拔貢余優貢

父子吟鞍得

句多

桂兒勝計

繞屋書聲添酒味清風皓月爛庭柯

黃海華見惠米纜並告以樓宣獻有此詩因檢得樓集

次韵奉謝

平生燕市工說餅十載回思京味永長沙重米不重麥稻田萬

頃龍鱗整昨夜朔風吹弱纜片颿界破重湖鑑舟中攜有纜成

團粉米爲之供煮啖滿頭星星不可拔妒爾銀絲白勝髮君誠

耆此當繼餽日聽鄉船榜嘔車

來書鄂垣語意

冬味旨且豐況饒珍

品來江東此物淡妙出蔡甸文理糾盤如絨總笑我何曾辨五

穀卻厭肥甘防腊毒幾時五老會消寒

頃王敬文書來問來歲及五老消寒之集

七旬當食肉思貽饗安勤鹽齏咀冰嚼雪句轉奇文章風義如

攻媿一飽欣然獻此詩

海華惠和米糲詩甚奇麗復此奉報仍用攻媿原韵

門前肆有河南餅日兩三枚咀味永忽緣米粉唱酬作怪君公
餘暇且整浮生如舟歲如纜蠶將及之惟自鑑每逢珍雉相餽
問差勝妻孥同齏啖與君意氣嵩華拔尙以詩書澤齒髮老痕
著面何癢底幾語向人忘茁軋春明舊游滌光豐太倉米運東
城東南方米賤殊少味苦念還食垂紕總沉余胃疾憎新穀紅
朽或宜祛熱毒酒懷渴候但思茶道味甘餘知勝肉秋冬久旱
勤鹽齏累君佳貺淡更奇消寒近局定何日聊對古梅廬瘦詩
鄉春農通
送梅花

戊辰元旦用坡韵

戊辰

無子不釘盆荒豆香可左自足歲暮富貴响轉今貴子戶三

十自媿成老大懷抱頗亦恬孩孺喧不臥小齋新灑掃蜀客欣

入座轉憶持節勞三載蟻旋磨文字緣何淡光景嗟易過當年

張與李後起孰能和

席間與宋理卿父子談及船山兩村詩律

秋旱冬復涸膏澤亦已遲誠祈感大府歲暮猶可追酒杯雖在

手心思滿天涯古來治亂理固有消息時軍興將廿年天下何

由肥一雨可千里暫慰湘農悲遙想

大廷賀瑞雪難為舜甘泉有烽火禁旅未應衰

元旦瑞雪京朝例有恩旨

舊年人事煩命運值龍蛇致得胃氣疾寒暑難藏遮小橋書屢

至奈此憂端何昨夜強排遣爆竹聲喧譁漸覺寒霰響不聞街

鼓撾晨起叩

北闕兩腳方橫斜一日冷難出丹鉛未蹉跎老翁能獨醉且聽

兒系袴

小橋山莊見山桃

愴絕商量語未終
拚將老淚付東風
忽經半月鵲原痛忍見山桃兩樹紅

彭子蕃前輩於丁卯季冬月喜得曾孫名曰阿由因前
一月於園地中得古玉卣也戊辰新春日適值彌月爲
九老之會寄示銘辭屬爲攷證牽綴成詩兼述近懷奉
會

洊長九千字無卣通段攸脩與肉酉器有提梁酉尤肖象古文
西疑已剖樂大司徒出戴公豫呂祁邇相比耦子象之子宏所
作古器銘文見此否旅尊旅敦乃常觀義取臚陳誇富有商周
彝鉞鑄吉金玉以飾之蓋亦偶斯器乃以完璞爲仿古定出周
秦後蔚作君家大吉祥曾孫維主祈黃耆剝下欣然見三世肇

錫嘉名攜在手地寶無心應時出預賀添丁祝麋壽同堂六百
三十歲幼子一人書艾九筵開湯餅值新春未免銜杯憶媛姿
老媛甫抱鵲原痛老淚傾餘難計斗嵩山三闕入我寢繭足尋
山閱自官鄉居五旬返城市胸胃酸悽貫跟肘湄隱山人劇好
事話言勤懇尋科目嗟余久曠金石學有似啞鐘無可叩聊據
咫尺資解頤甚媿瓜桃報瓊玖傳聞講社開黃州雪堂補種東
坡柳隔江怡亭篆在無莫吝璫椎墨光黝

題陸劭聞金石續編後爲子受觀察作

昔於京師廠肆得隋太僕卿元公及夫人姬氏兩誌銘
不知石所在也今讀劭聞陸先生金石續編始知在咸
甯於嘉慶初年出土先生先得拓本後並得其石載歸
武進故編中於此銘攷訂特爲翔實耆古之癖可想也

從哲嗣子受觀察借到遺書時一展繹甚擴開見又與
余所藏筠清館金石錄足相印證今觀察將東歸奉還
珍冊敬題小句元公石如無恙尙冀精拓寄惠也

鬱林載石無文字誰似隋元太僕銘想見東南兵火後貞珉長
映九龍青

清名廿載在湘中家法無慚儒吏風珍護楹書歸丙舍尙應虹
月爛江東

筠清館例沿蒲褐許林集東劉蘇吳子好亦自賢安得百家金石
聚鴻編烜赫

中興年

題歐陽坦齋丈遺照

臺閣聲名輦下馳沅湘蘭芷久培滋肅瞻晚歲傳經地憶我髫

年負劔時文獻

三朝聯氣誼湖山千載映鬚眉展圖難忍西州淚風雨城南雨

鬚眉

黃南坡屬題唐陶山先生書山谷詩幅已已

儻有江船吾欲東我懷今復似涪翁笑翁謔繞石牛洞不入名

賢五百中

山谷來往舒楊間未至吳郡故不與五百名賢圖像

儒雅便宜不競絀陶山循譽嗣滄洲遺文訪徧桃花隄何礙詩

人吏事優

陶山先生刻六如集哲嗣不謂然也

焚硯拋詩乍越年強邀題句向前賢迴思捧手從摩頂遺墨飄

零打稻篇

嘉慶甲戌余得兄先生爲先公書打稻詞小冊今已失去

當時弱冠與成童老健相看面頰紅六十年前耆舊事談芬如

雨落杯中

題郭子美思親釋甲圖

無公義非忠臣無私恩非孝子再言將母詩意淡恩義更從歸
論始洲潭異人郭子美束髮受書薄青紫所志祭酒諸生耳謂
可娛親奉甘旨未及冠歲軍事起能騎生馬忘鞭弭母曰吾兒
可出矣徑提孤軍採桑梓嗟哉仲兄及季弟同氣同袍後先歿
國家急難家仇讎殺賊景暇思封侯湘中名將百輩起惟吾子
美超羣傳戰酣積年蛇虎吼抱鞍泣念臣有母一時萬馬瘡不
鳴皆爲將軍重迴首卽忠卽孝止此身思親愈摯勇更神一心
爲

國仍爲親純忠純孝眞將軍勞苦功高盡麟閣一品官階一等
爵迎養途紆阻閨嶠孝思

帝許移襄鄂兜鍪乍脫綵衣鮮安臚秋迓風翩翩最憐弱弟耽

書傳所第同補咳華戒養篇

東洲艸堂詩鈔卷三十

道州 何紹基 子貞

丁雨生中丞贈花手札謂花氣甚偉詩以奉謝

庚午

蟬翁一病經五年見花不樂知無緣迴思少壯花下顛不圖頽
茶如枯禪早春忽繫吳門船金獅巷頭賃一椽堆石殖艸且伏
跽中丞主人當代賢除貪懲惰墾荒田求治頗急

朝寄專譏訶沓集志願堅亂餘方規元氣旋遲懦敢望沈痾痊
厭斥紈綺輟管絃五簋宴客無加饒翼挽頽俗如障川官衙隙
地畦蔬鮮藉課晴雨知牴牾奇壘曲列虜眼編雜植花卉自蔓
延邊食嘯詠資留連兼奉慈顏髮不宜庶免土思魂寢牽培灌
能移造化權根株傑茂苞萼圓酬恩戴澤不忘愆見吾老病心
憂煎長鬚遣送相蟬聯幽蘭鼠姑與杜鵑香風有鄰來比肩飛

東坡先生詩集卷三十一
騰綺麗羅紈仙如茶如火光燭天色香殊異無襲沿直似一氣
爲陶甄花氣甚偉無佞便非公安得此妙詮我方葺屋補漏穿
奇書古畫四壁懸花知得所氣更全不復迴戀高衙前引鴟相
對塵念捐我爲魄動神踴躍世人愛花惟賞妍作兒女語嬌可
憐我詩差喜不拘纏花氣酒力蓬蓬然主人儻許相磨鐫

雨生中丞贈芍藥仍以詩謝

帝城春信遲婉婉豐臺芍藥先盈畹牡丹傳是花中王倚貴恃
嬌來偃蹇燕吳農候異寒煥花信風因歧蚤晚絜園培護有條
理排日分貽申繼繼芍藥後至春已闌芭蕉未展猶節擢遲開
應笑早開忙花意欲將人意遠我思百卉天膏滋牡丹芍藥何
崇卑色香日逐光陰過根柢豈容時世窺老來絕少歡娛事尚
戀餘春連夜醉男耕女織苟不怨萬紫千紅皆可瑞公今撫吳

兼德威我亦四牡頻驂駢益醫重聚仍攻錯焚尾時節憐芳菲
況聞蓮幕萃佳士能祛浮藻流清徽余楊兩君皆承和拙詩且將寒瘦斷
郊島不羨韓公金帶圍

題竟甯鴈足鐙款識拓本爲潘玉泉作

說文足疋兩部首相承疋下云足也上象腓腸下从止
弟子職曰問疋何止古文以爲詩大疋字亦以爲足字
或曰胥字一曰疋記也許君於此字可謂翔實自隸變
後足疋兩形迥殊而管子弟子職篇作問所何止益不
可通此拓疋字瞭然乃嗣知疋字之形且疋部止𠂔疋
兩字義取疏通與足部八十五字从足爲義者迥別可
知許君云古文亦以爲足字者明其實非足字乃古文
段俗也古無四聲足疋胥所皆一聲之轉耳曲禮雞曰

翰音雉曰疏趾雉飛三丈雞飛不能三丈飛高者見其
趾此器三趾卓立亦可謂之疏趾疏趾卽疋之本義矣
疋與疏同音同義而別用胥所又別爲用古文字少意
在以簡御繁故段借特多然一字數段如疋字者於部
首中尤爲廛見大雅雅字本段鳥短尾之雅又段象腓
腸从止之疋至今雅疋並行竟無正字周禮笙師春牘
應雅樂記訊疾以雅雅本樂器所以節舞段爲雅頌字
此義不見於說文可想見古人作字其難其慎而孳乳
浸多不料後來如此之支蔓無窮也然則疋之爲用何
廣乎據厲樊榭翁覃谿汪容甫所攷證此器曾在馬半
槎處後歸巴子籍最後又歸吾友程木庵六舟上人客
木庵家爲釐定金石文字因此鐙款識字多難辨爲別

清精拓道光戊戌寄拓本至都余用厲樊榭原韵作詩
三篇後木庵之子守恭執摯門下曾爲題所藏彝器拓
本有云卻笑木庵心似木閒中雕盡古來蟲時余季方
壯盛海內稽經諏古之儒罔不諧際摩挲金石據發詩
文幾於無日無之廿餘季來軍興不息東南文獻凋耗
特甚故人宿艸彝器晨星余亦季逾古稀老與病俱後
生輩有持古匱求爲題記者視爲過眼煙雲而已今春
至吳門余病少瘥漸有吟事養閒主人出此拓屬題知
是器又從木庵歸篤湖范穉禾令自范氏歸艸堂時賢
題詠甚盛余乃就足正二字義演成一篇以補三十季
前罇漏且亦翁汪及今日諸君所未經道及也時同治
庚午立夏後三日對雨竝識於金獅橋巷厲齋

我管墨和樊榭詩爲竟甯燈費煤麝臍拋殘三十季夜雨吳
船續佳話翁汪緒論在鉛槧皆與吾言有鍼芥剔燈休笑六舟
癡墨拓鮮明良一悵忍義重拈足與正校長於斯見鑪鞴因思
六書形聲道藪販倉籀幸未隨羸灰蒙於古文有漢書曾攷秦
鍾與吳罍皆讀積古齋歌識謂周公等鍾周公望鍾乃秦武公
儀徵師見之曰此吾詩友側聞艸堂富彝器燹餘收拾從蒿萊
也恨易購未谷不及見矣何時許我徧捫叩詳辨亥豕分簣今宵且喜識一字豈厭推
敲細瑣如重儻

四月十一日雨生中丞餉鮮荔支竝晶盤見貺用坡韵

奉謝二篇

萬事旋轉如鹿盧百物趨功隨苑枯荔支到日坡有例四月十一日正
同楊梅盧橘失先驅送春時節寒可禱霏靈潤澤花肌膚中丞

位高不祕惜夜深遣媵傾城姝頗疑阮儀徵魏強持論忍令施

嬌悲向隅沁心乍領格味勝病齒有遺皮核龔時余方病齒痛

未須日啖三百顆五十有五驅龍珠適吳子備婿自滬歸

朗映更奇絕照我郊島成豐腴郊島用前四十年中游越吳未

獲再遇松江鱸辛卯冬姚杏士餉松江鱸魚腹裏至於茲尤物

緣不淺作詩爲補山經圖初用四月十一日初食荔支韻

老蛻百念寒如灰游蹤忽被風雪催江東步兵我不羨扁舟似

爲尊挾來右瞰太湖左滄海富有無隄任尋採嶺南鮮荔帶露

來輪船之利空千載憶昔初食在杭州後來嘗徧眉嘉潛遯閒

久戀湘水曲老鑿再作羊城游衰年笑逐鴟夷子蕤餘滿眼皆

瘡痍女絲男粟漸培復破書殘帖成奇瑞時新瓜果都萌芽海

山仙子美莫加隔巷招邀看新柳腐儒譚宴珍陳茶時在柳巷吳仲英處

晚醉歸闕月正苦渴得此何減瓊漿邪摩挲捫腹此可家又聽

敲門擔送官園花

中丞連日送花昨應廉訪亦以花至

用荔支歎韵

中丞和詩未至走筆奉柬

四月十一初嘗荔千載坡詩有成例我詩如約不敢逾月下裴
回鐙一穗今日晨醉暮又醺海山仙子張我軍疾雷驟雨滌塵
想晶盤未覩爭奇芬果中之王信非偶詩壇之霸世應有公於
杜韓蓋伯仲我媿胡馮先老朽笑攜鴈足鐙來上九峯亭荔支
大有金石氣色香格韵同德馨坡詩兩章殊譽毀抑揚信手非
詩史世閒尤物自榮謝有爲乃公供慍喜昔聞嶺外人說荔頗
諳詳我雖屢泛珠江擢公於仙子真同鄉材官送詩幾時到滿
城先作荔支香

四月十九日得湘中信知次孫祐曾姪孫裕曾同入泮

喜而有作

丁年幸中博浪椎

太孫鍾曾丁卯中副榜

又見聯翩兩秀才櫻筍會看吳

市間

近日櫻桃燕節日日入饌

藻芹香越洞庭來傳家慎守金盃墨勸學選

資玉鏡臺

今年皆擬為授室

皓首窮經吾志在夜鐙紅處笑銜杯

雨生中丞以詩來賀次韵奉會

西望湘雲氣鬱葱月前鴈足恨書空

前次家書不及游泮事

不期聯璧稱

髦士致枉高軒到鉅公把卷吾慚雙鬢白愛才君喜萬花紅諸

孫識字能多少想像中郎隸古風

昨訪沈韵初欲觀所藏熹平石經殘字不遇而返甚悵甚

悵

戲贈賈耘樵觀察同年

檢書尋書樓上層

君好住樓上

街頭健步欲飛騰直將浩氣驅樽俎

盡把真心向友朋煙水半湖舟浩蕩花枝四照髮鬚髻

約游木瀆愛植

花
兒曹容易躋臺閣一笑阿翁媿未能

賈芸樵和荔支詩疑官韻不收涪字官書多漏略地理志說文固可據也王蔚齋來說福州荔支七月方結子嶺南則三四月已飽啖矣仍用坡韻東芸樵

閉門索句撥寒灰清風悵雨還相催大府官書日不給詩思竟從何處來徵詩說荔如搜海珊瑚木難盡甄採賈侯讀書五千卷江南作吏三十載芒屨冒雨尋東州頗疑官韻不錄涪世人不究班許學壯志空爲嶺海游東州浪蕩如蘇子多言數窮成痕瘡金甌清宴逢中興繡補韜軒等奇瑞閩南荔子未萌芽香港番舶迅莫加物候從來異遲速春茗何必非秋茶不寶遠物僞札耳本味王會甯誣邪窺園莫問東西家愛我小園窠石兩

三花

訪沈韵初舍人得觀熹平石經殘字拓本卽黃小松舊
藏而翁覃谿所題也冒風往返致不適者數日中丞書
來問訊云公如此好學二豎定當遠避適時方困臥發
畱一笑而起喜成此詩用中丞詠荔支最後一首韵

熹平石經世希有黃錢兩拓在人口錢冊摹傳打本多黃冊流
轉屬誰某魂瘳驚回五十年舍人博物如茂先荔支大有金石
氣我詩成識眞前緣當時訂正無段借鴻都學生祇遭罵諸儒
奏議同啟發中郎書丹重聲價經心書律俱上乘觀者闐咽敢
愛憎秦火劫灰太慘澹孔壁遺韵茲依憑齊隨移毀閱年載四
十六碑不吾待蓬萊閣圯越雲漢殘字荒涼餘幾在昨效東坡
醉帖揮風風雨雨燕斜飛蘭臺泰書忽現示東洲顰臂成癡肥
中丞主人鬪詩力連日賡酬肩暫息耆學眞爲卻病方延齡果

東洲別墅記金卷五十一
恃磨人墨多年浩劫沙塵揚三吳境已安粥漿高衙軍政尙蒐
討沿海逋逃當戢藏武臣漸覺浮名幻斯文墜緒知誰綰側聞
金石徧搜珍有任雲煙空過眼君不見千碑萬碣萃古芬熹平
石經殘字一出空其羣

閱隸釋鄭子真舍宅殘碑作四句爲雨生中丞書扇

谷口耕田鄭子真激貪厲俗比嚴遵宅區百萬殘碑在應媿成
都卜肆人

題吳研塘同年家捐辭官種菊圖得十絕句

萬紫千紅趁豔陽獨擎彩筆振詞場一生不識官滋味蚤覺東

籬氣候長

君乙未科
江南解元

幾度天街蹋軟紅馬蹏慵復問春風閒雲出岫非無意想到黃
花宦念空

同年聯襪躡公卿獨抱遺經訓後生一撓江東高士韵
比菊花清

街頭買得傍雕欄正色幽香總一般別有性情難假借自家種
得自家看

漫道饑驅道路長心爲形役笑柴桑在官八十有餘日松菊雖
存三徑荒

抗塵走俗望風趨多少才人自點汗試問河陽花滿縣可曾解
種日精無

鬢髮曾無點雪痕道腴書味浸靈根團蕉瘦石長松下誰識江
南老解元

不辭筋力與銷磨養菊辛勞勝養禾報答先生在何處金英照
眼得秋多

炎天未厭把鉏勤要及先秋異種分難得隔離人送酒澹懷欣

遇李將軍

時館李質
堂軍門署

連宵風伎雨尤奇忘却吳天滌暑時歸去來詞揮灑後看君種

菊喜成詩

日前為丁雨生中丞
書歸去來詞坡帖

戲答雨生中丞

技如黠鼠戢翩鶚一入禪門惡談銷佛國從來真廣大名山從

此任逍遙幸蒙法網開三面臥聽江聲送六朝難得仁明賢大

府政成寬猛得和調

題汪觀瀾封翁觀瀾圖小照

吳縣汪耕餘明府之
尊人安徽懷甯縣人

壯歲高吟上鶴樓長江萬里送歸舟煙波閱盡鬚眉古才許忘

機狎海鷗

大澤原由積氣充笑看蜃市與蛟宮靜知後海先河意正在盤

汴燈歸中

三十年來幻景奢詩懷詭麗浩無涯虎魂龍魄非親睹誰信張融勝木華

王帝南觀察

蔭棠

屬題賢配李夫人花陰繞步遺照

盛鬚清才易夕陽攜持兒女太倉皇生綃留得莊姝影疑有吟聲出畫廊

烏篷搖破聖湖天萬頃蘆花起暮煙老去黃門話遺事孤山梅

影也悽然

時帝南招集湖舫

聞徐壽蘅學使陪李若農主司江上觀潮喜成十二絕

句時十月初三夜

侍郎學使綰監臨佳話多時溢武林榜後歡聲如海水三年真

得士心淡

余在吳門卽聞今科浙闈之整肅爲近年所無

公門桃李盡舒翹文席振趨論議超游刃恢恢餘浩蕩又陪星

使使觀潮劉鏞山副憲先已北上復命若農以督學江西緩行得有此游

鳳山門外閱場開撫部威名震若雷騏驎三千如赴敵正迎東

海怒潮來楊石泉中丞方閱武場馬射今年武生三千人

高懸明鏡燭潛幽萬柄珊瑚枝一網收今日愈知天地大依然寶

氣舞蛟蚪多奇士今科浙閩

鳳味堂前橘已霜如何海氣未收藏冬初轉覺銀山湧倒映驚

霆紫電光初一日大雷電雨

英雄遊戲射潮還一例山林錦繡斑鐵弩拋殘殊可惜投龍片

簡向人閒武肅投龍銀簡吳康甫一再摹刻

莫將有限趁無窮好句如箴佩長公余性好登陟恆念坡語為傲再到杭州

詩力減讓它終古怒濤雄謂坡詩

蓬萊閣下使車停溟渤狂瀾伏枕聽淞聲湖山清滿眼潮聲不

到定香亭

先公督學山東浙江余皆隨侍壽儀亦連視學兩省又昔視學福建亦先公及余先後典試地寄舊昔典

蜀試余旋視蜀學輓迹相屬洵妙緣也

水性輕柔乍若頑止緣龕楮打重關兒時爛熟枚生筆到老模

胡骨母山

十三歲時讀七發問骨母山何解孫鏡塘師曰是胥母之訛又問伍胥之母何據師笑不能答孫師杭州

錢塘孝廉

弢光射旭苦搜奇一睡醒餘足轉疲笑謝侍郎真愛我茲游莫

道老翁知

日前與吳康甫黃幼臣徐厚宇游弢光寺射旭洞一綫天等處次日始形疲頓致數日未出

迴首前游四十年西湖還似舊時圓今宵聽說觀潮樂臥讀南

華秋水篇

余於辛卯至浙始見西湖後數數至此故有西湖圓似故人面之句

護惜勞筋慙息機敲門醉帖未停揮忽然想渡錢江去已覺雲

濤滿紙飛

張冠臣楊笙吾皆約我游禹陵蘭亭

飲蔡小漁方伯寓齋

雨餘閒過蔡侯家，鐙下杯盤笑咄嗟。
齏菜功夫餘老齒，持螯風味稱寒花。
磨人莫厭臨池墨，閱世休驚赴壑蛇。
同是淡秋臧霜露，茫茫雲樹望長沙。

十月六日丁雲埤姜瀛仙許秋樵張毓陔周藻臣陶曉
臣韓繼卿徐厚宇移樽定香亭宴余與壽衡學使爲盡
日歡，輒成二律請諸君和之。時楊后泉撫部與學使皆
湘人，諸君皆自軍功擢爲守令，又或城南講舍門人，余
隨侍先公視浙學時，今四十年矣。悽慰百端，拉雜成此。
又如何能說不老耶？

中興蔚起楚材多，茶火當年靖越波。
大好清森雙節院，忽來黠黠一漁蓑。
諸君漸理琴堂治，往績難忘盾鼻磨。
樽酒欣聯榆社

樂扶藹杖履任婆娑

不覺年光越古稀
幾番愴念舊萊衣
跛游湖上老梅笑
思入城南秋鴈飛
霜氣盈園楓葉靜
芳筵萬藥菊花圍
兒郎莫詫緩翁憊
廿帖一揮今晨快事

端州石室記古拓本爲壽衡學使題

憶咎鶴頭

粵東船名

歌道難鈴羊峽挽上水灘
鼎湖懸瀑天飛湍萬

羽翔舞千猱

酸故人沙君鑑

守古端拏舟同叩錦障巒
七星下

臨巖畫寒宛

委石記如新刻

又名宛委石室石鏡鬼影森
髦鬚我側身

入昂首看滴髓成雨古不乾
每率水漱值歲殘墨打數本珍球

珊沙君贈我端石肝厚寸博尺
圓象盤磨墨一器費十丸攜持

出游共眠餐正當濡染紛龍鸞
忽睨古拓成蹒跚自來杭州叢

古歡閣通博雅

芬椒蘭

來杭寓徐壽蘅學使署連緒齋將軍楊石泉中丞善厚齋都統蔡小漁方伯如

貫九秦詹如王芾南三觀察及吳東甫許逸齋林廉叔趙悲庵譚仲修李笙漁諸君鑒藏金石字畫者過從諧際極賞奇析疑

樂侍郎指日趨金鑾尙蒐奇匿萃琅玕金題玉躡堆滿欄節縮

俸米揮縑紉此羶蠟古紙厚寬傳數百季無疵癥我偕吳甫許

逸竝几觀指瑕索瑜妍祕嬋一爲蒲褐補脫刊校蘭泉萃編多

命友邀等字又公書根自韻籀蟠乃以隸楷爲淪瀾託宿祕篆

畢誤早寥誤慕語不刊爲學書人畱金丹敢不努力心盤桓烏乎公忤權相遭

仇奸謫遵化尉等挂冠健筆清製重璵璠義取鉅萬仍瓢簞濟

人急難調斃單自處偏仄安并督邦伯蓋是大府官畢公守恭

名姓完流穴歸止介特安宜祀名宦羞懸貍何幸附驥輝書壇

嶺南唐碣同嶺岼南海碑重袁州韓韓公書迹墮渺漫義之姿

媚敢嘗姍想見勁直不柔曼與公何啻鏤與千嶢嶢易致古所

歎挑鐙作詩至是當已矣莫更啍唔嚙啗坐令萬感來相攢

得湘中書知念姪於閏十月四日完姻竝裕孫吉期祐
孫亦將合登喜成四首

十季營構小橋莊尙憶阿連鎮日忙
郭屋今宵兒娶婦阿嫂細與話糟糠

小時多病費提攜尙記高郵與寶雞
近十季來方茁壯雕梁喜見燕雙棲

貌秀心慈愛讀書幾曾偏見獨憐渠
慰兒努力攻文字軾轍邛邛古有諸

長沙暫別忽經季婚嫁關心每悵然
傳到連番花燭信蜚翁一笑上湖船

爲壽蘇題文衡山大幅字

高堂巨幅想掀髯雙井風神到筆尖
蔬筍味淡書畫合養成喬

壽盛名兼

題石城送別圖爲賀仲肅作

玉鏡臺前綠鬢郎多時兒女粲成行朝

天來艤石城權笑詠當季蹶里章

時仲肅將以見北行

好是西湖雪後天定香亭畔酒杯圓披圖絮說瞻園事令我回

頭憶少季

遙想家山湘水濱樂心田與菜鄉鄰通家老結朱陳社合登三

商及好春

時爲慰姪催親

我昨維舟白下門垂楊銷盡旅人魂江南競寶將軍畫遺陟難

尋琴隱園

題顧駿叔坡仙琴館圖

館與琴俱幻何從叩雪堂棲伽好畫手清氣到灤梁

壽蘅泊此風順而水渴不得出江余以寒疾不得出屬
壽蘅作臥雪迎年圖

之江催送侍郎船且得吳門攬結緣念子乘風難破浪笑余臥
雪也迎年舊書重理富新義時事在懷無好眠恰值元正初四
夜隔城相照月娟娟

年頭皖中歲暮失門皆值雪甚令秋冬閒浙游返權復
膺寒疾新年尙未出屋眉生都轉以聚星堂韵索和率
成一篇在浙忽欲習狂艸故有墨顛句近日酒飯肉俱
未能近頗以麥飯療飢耳屋中盆梅三十本乃潘季玉
吳平齋李笙漁趙心銓白香亭所贈并吾兒買自山塘
者歲底爛開不羨諸老衝寒鄧尉木瀆開也

辛未

年頭歲尾舟一葉江北江南看春雪我舟自行元氣中山水奔

騰無斷絕定香亭畔醉百場
橋李城邊波萬折自嫌詩瘦覺才
盡且習墨顛虞項滅酒杯伴我幾
十載忍令久要中道掣迎年
苦怕衾潑水把卷仍愁眼生纈
江南秔稻況失味莧腹祇宜容
麥屑肺腑無言自更變煙雲萬
態彌飄瞥小屋梅花三十本請
客自斟吾嬾說眉翁忽欲辨酸
醎笑起和詩擊如鐵

眉生詩再至復和

歐蘇詩事有根葉先後聚星堂
上雪命宮磨蝎亦偶然牽附雪
堂果清絕坡公是年職內翰先
杭後纈波三折醉翁仙去已千
載餘韵不隨形影滅文章信比
金石壽富貴真如泡電掣看君
雄筆寫忠讜近撰林周初
三文忠公傳俛瞰詞流成碎纈
徒薪謨議甚閔遠
附驥功名殊瑣屑我增馬齒越
周星坐閱駒光驚一瞥等身著
作付兒輩獨夜幽懷向誰說因
君論詩到情性感觸蒼茫憾引

鐵

吳門觀鏡詞以題爲韻時辛未正月初十日第五孫信
曾開蒙上學課師爲松江姚叔文秀才此詞命兒孫同
作姚師亦欣然有詠

古來雄麗說三吳錦纜牙櫓會具區太息連年兵燹後繁華
得幾分無

南接中丞大府轅北看郡臬兩衙門沈陰悶得新年過好月飛

來作上元

今日初十
其說蚤了

昨日開場大雅班招邀入社兩眉攢街頭獅虎魚龍影便作鼇

山鳳輦觀

昨德靜山招於湖南會館觀
劇歸途頗見各色小燈綵

天時人事冷如冰暗識春來老態增臥雪迎年入圖畫穉孫催

買觀前燈

余於廿六怯寒一睡初一方起數
日奇冷令大孫作臥雪迎年圖

信曾上學過良師莫儘牽扶弟妹嬉日暮歸尋小花爆公公笑
寫試燈詞

題費廉卿太史畫卷雲樵同年屬作時辛未穀雨節後
同人多游湖去而老病不得出可笑可笑

烽火銷餘喜再生依然萬頃水雲清鱸魚蓴菜年年長誰識江
東老步兵

鷺舍鷗香浩渺天三篙兩槳小游仙此船一去休回首沮溺何
曾姓字傳

栽花補竹繞吾籬快雨剛逢穀雨期我比枚人還要枚嬾將漁

具問天隨

雨未止
復占此

題金蘭坡遺照

金石精英自鍊神游蹤飛越渺關津名流交徧都平等尙友惟

應到古人

滄江虹月米家船
廩本多嗤海嶽
顛惟有蘭坡不欺世
一生忠信狎濤淵

賢郎能葺舊茅廬
苦抱殘碑埋破書
雨夜篝鐙詒鐘鼎
吾徒幸有李笙漁

補竹

種竹新秋悵雨濡
嚴冬雪凍半生枯
甃餘瓦礫淡三尺
敢望枝枝盡蔭敷

移借琅玕十四莖
雖然寡取有餘清
九峰亭館寥寥夜
減卻許多風雨聲

略刪階蘚埽庭莎
三徑欣增好友過
直節虚心瀟灑韻
不曾嫌少豈嫌多

老成猶見典型存後起英材盡不羣比耦莫訾新開舊同心努
力上青雲

嗔汝刪除近下枝倚闌自笑我真癡疏疏密密天然意豈許畦
丁井婦知

藹藹才遮午日炎月光依舊到楹檐客來但賞風篁韻不覺新
陰一夜添

題籀石翁枯木竹石幅魏槃仲代黃仲陶索題者連日
大雨今日李質堂軍門招飲不能不到因疾揮得此

枯木竹石法傳自雪堂變雪堂非凡創乃自丹淵受一株半生
活一拳互妍醜閒以琅玕枝映帶忘奇偶無勞金碧染不藉煙
雲糾鉤勒何所施皴法無從叩直從天巧出不恃機心狂畫家
千百輩八法與九朽至此描摹窮筆墨成鎖紐烏乎籀石翁情

性本拙厚，詔哉敲韻。才化作寫生手，墨戲在蘭竹。書味盡包有，此幅尤澹蕩。眞率非簡苟，齋壁三日挂。韻外法難剖，連日雷雨解。眞宰來戶牖，庭前石木竹。氣來鼓得無，此畫靈天地。爲斗擲，翁年八十二，禾中歸來久。颺山麋，山閒百福古。巷口日日有揮灑，倪沈相。戲穀經術鴻，詞科根柢蚤。蟠紐餘事化，工出兼得氣之壽。愛畫陶與槩，我爲耆者憐。余不能畫，持此相呼誘。嗟乎老僊軀，天將掣吾肘。聊爲疥此詩，公飲東城酒。

沈仲復觀察與乃弟綬恬陪游金山焦山，以紅船送我往金陵別後有述，兼示鎮江守蔣鶴莊姪壻及外孫培官用坡韻。

燹餘百郡脫劫灰，日籌善後工程催。金焦兩山大關鎖，夷氛粵燄後先來。塔廟重修照江海，鉅材咸向荆湘采。金山玉帶焦山

鼎仍伴靈峯韻千載煖翁一櫂來潤州古迹未湮坡與涪沈家
兄弟通家舊排日追陪浪漫游紅船遣送渡揚子爲防觸熱生
瘡痂焦山枇杷最先熟海舶荔枝何足瑞使君種桑十萬莠將
來蠶事盛莫加鶴郎作郡清可敬餽翁止有湘山茶外孫冠季
手擊秀學書習畫何難邪今日真箇船爲家破筆寫字開成花

題珠江餞別圖乃方廬園與林薌谿作別也

驚潭競渡出龍舟記十季前紫艇游昨夜雨聲寒過雪十分蕭
瑟是揚州

看人作別易傷神文字因緣契更眞煖空披圖轉惆悵一通家
弟一門人

公雅意鑄羣倫注疏重籌版墨新誤聽楚音眞失喜何時祖

嶺海頻游見遠謨會看開府莅三馬蠻煙瘴雨全陶洗更寫珠
江話舊圖

題襟館消夏第一集用劉芙初前輩讀邗上題襟集遙
寄寶谷先生韵

海疆淮甸占風流運值紅羊一炬休甃後全荒西楚迹我來重
認古揚州最憐花月如人瘦不待風霜滿眼秋賴有通家儒雅
舊題襟館畔許優游

高齋寂坐看簾波不覺炎光半月過酷暑枕邊詩思醒今宵衫
上酒痕多是夜將十鍾自嫌老醜難圖畫主人勸留小照幸接諸賢共歡歌

容我疎狂忘杖履官衙瀟灑似巖阿

翩翩笠屐似鸞流訪勝探奇意未休五嶽徧登猶有嶽去季欲游霍山

果九州而外尚多州謂英米各國羣花圍繞權支夏片雨飛來欲報

秋好待新涼生院落銜杯暢與話前游

迴思舊夢疊層波詩艸叢叢埽葉過老去矜嚴期道勝從前爛
漫笑才多兒孫甚念游蹤憊與會偏酣獨夜歌幾卷東洲鴻爪
印願加龔粹尊依阿

諸君均索
東洲詩州

種竹

閒游寄人廬自種竹十竿明知非吾土且卽心所安此君真有
斐色德皆琅玕多不厭繁雜少亦不孤單赤日正火熱片影遮
檐端清風偶一來翩然翔鳳鸞對君獨酌好進酒仍加餐方思
記歲月詩空來盤桓

夢園
謙齋

懸知我行後藟蔚千檀樂因有好事
人爲我迴環看

夏雪篇

古有作賦人解道風雌雄古來作畫人派衍南北宗說事最諧

詳詳似柴桑翁北窗正高臥夏雲多奇峰奇峰化奇雲奇雲盪
奇風浦之爲奇雨伸之爲奇虹送垂天之奇鵬嘘卷海之奇龍
炎曦乍赫赫大月忽溶溶聽夏雲之卷舒換海色而迴天容題
襟館前半月憩夏雲詭麗無恆蹤冷暖易氣候喜懼交心胸主
人相敬愛詩酒與彌縫名畫紛四壁水墨各論功或糝胡入莽
渺或峭積分青紅不奇不止用意同各奇所奇何由通安得倏
忽之頃咫尺之中飛騰現滅倘恍冥濛方圓起止色色空空如
此夏雲是爲人追之造化工之工請君盡卷四壁畫相與矯首
無言瞻昊穹

迴思篇次方寢園王謙齋許叔平徐椒岑聯句韵

天公玉汝文章瑱髮齡隨侍天街逞金臺才彥互撞打前輩門
庭勤造請名場蹴踘滯萍梗沾落塵泥不及屏計逾壯歲得味

永乾嘉風騷徧掇領益解向學志力猛兄弟一屋夜燭秉謬竊
時譽比坡穎先公官高事業炳蕩節掄材周海嶺我與壇坫其
勉甞經郭史固競掀騁文腴道髓剔璞礦大星一落彤弓影先公
鼎時大星更值時艱鬱成癭中興在望久延頸迴思庭詰尙俄
頃最戒虛名等畫餅必懲浮豔刪漢持壯游萬里氣逾靜老覺
突汲愁短綆但懷諍友皆匠郢自顧沈痾晞董杏五年病膈苦
饒顛翩然離湘弄舴艋欲鍊形神自策警鄂雲旣樹爭脫穎越
水吳山彌秀整滿接學人愧螢蛎笑比彭蠡老窺井中夜幽室
覷微燄后城邗溝古都省故人握手有天幸曾侯相說經何事
歧鄭邴古義從茲得融併時議刻大諸君釣詩費答簪邀我推
敲逃畏景催詩風雨錯時節連夜虛窗五更冷

竹下作

初三手種竹竿十如遶嘉賓自前席初七移榻竹大笑今日主人翻是客酒杯茶具略安置詩幃畫又生潤澤達官難拒枉高軒韵士相從響游屐仰看十竹自親昵正氣干天可千尺風橫雨悞勢飛舞月白庭空意閒僻憧憧往來果何事跼蹐蒼落殊可惜此君高韵我不如藉傍清陰靜心魄

示書局諸君子王治軒李賓虞郭堯卿莊希祖次方應園都轉用昌黎韵

行年逾古稀未缺口耳眼恃此炳燭光尙可照編簡慨從兵燹後浩劫已盈限老儒迹偶出武士色漸赧行省奉

廷議羣籍補錢板書局英彥萃餐錢耗琴觥偏尙乙部書令我微笑莞從來聖經尊蓄奮乃恆產傳注沿周秦未許妄剔揀一經苟精熟六藝歸毋弗脩途循平夷自可陟巉巖治絲先理棼

優游致綽綽諸子百家言
醇疵互剗剗經言發洪鐘
瑣碎陋剗棧昔聞衛武公有邨
勵瑟憫時年蓋百歲未敢忘
一轡我愛說經士好音來
睨睨所期集衆流河渭資
瀾瀦

耘樵書來說今年製醬更勝昔年又知余須白醋將手
造見惠先以詩謝

賈侯餉我百益膏寬中填髓壯腹腰服逾百日健游出酣眠飽
嗽忘厥勞君方秉憲察百吏調瘼平瀦侔蘇皋官衙雅有田舍
樂雁鷺散後如衡茅後堂筭珈我桑梓年妓澄州人蘋藻敬潔聲近
椒兩家婦子過從熟君亦來醉金獅橋兒孫環逗恭祖舊奉手
負劍從慈嬌蓬頭椎髻競趨走齏蔬甌金聞鏗敲嗟余楚出乃
忘返伏暑且向邗溝消主人官清職煮海隻手難把牢盆牢方
園都轉日以淮綱散漫爲慮虛堂款客果清燕余下榻清燕堂銅槃肉食供老饕書

局藉掩素餐愧談經先叩河間毛

時擬萊大字注疏本從毛詩動手

邠風鸛鳴

已難攷況諏鼎稽燭炮老來嬾慢獨酌慣野菜日費園官挑
賈侯書至厚存注惟恐旅饋艱和調酸醎正味有正色醬豉醋
白何可消難得尊聞自湛熾和羹分惠澤我枵雙鬢何日煎江
至海潮一綫橫金焦

六月六日吳姻母六十壽寄懷子雋兼示令弟子備

花翎兵備蚤揚譽翰苑新承

御筆除難得萱堂周甲慶怡逢芸館拜庚初清華奉職宜將母
事業無邊要讀書舞綵阿連方北望鱗鴻頗覺近來疏

悔餘居士枉顧惠和拙詩次韵奉謝

行年碌碌逾七十到處羣居許專席清燕堂前最開爽四面玻
璃照冷客悔餘樂府久馳譽千載名人被鮮澤題襟館主有殊

契走率詩筒不停展新篇疊和忽到我總紕成文廢刀尺好詩
又挾雨聲來健步欲忘苔徑僻楮毫正要精力勁性情何爲文
章惜羨君才筆稱江山藻繡煙雲恣翫魄

戲柬癭園主人及謙齋叔平兩詩安

自鳴洋鐘將報十炎曦穿樹已到席晨餐得飽不擇味午睡方
酣非距客寢回忽訝雨聲至瓦枕藤牀皆潤澤主人邀客課詩
苦隔院虛廊繞吟展王郎磊落負奇氣許子溫敦有繩尺居然
俛就主人意關險鉤新到奇僻見余老嫗謬矜寵勸說精神要
珍惜烏乎吾豈受人憐拄杖鏗然震吾魄

七月十二日壺園燕集

祝

椒益簪賓主十開宴壺園爛瑤席敬思公堂兕觥義儼然湛露

龍光容

慈安聖母女慈舜

慈禧同心布恩澤

睿齡天子正端拱
厝置羣材如履屐
七旬敢倚臣老邁
九叩遙瞻天咫尺
扶藜入座不慙愧
賜酺推恩徧遐僻
朝報連聞水潦盛
秋收又爲蒼黎惜
憂虞想見兩宮勞
北望觚棱動心魄

二十日書懷

去年吾兒歲五十
金獅巷口鐙照席
今年計偕兒未返
老翁孑然邗上客
諸孫家書連日至
已喜甘霖沛膏澤
想當風月嬾梧竹
共繞階庭脫巾屐
遠游伴我書一囊
扶杖如憑童五尺
周秦古義半沈晦
毛鄭遺文多奧僻
經心演繹欣有繼
道味蘊含老

彌惜諸孫勤念庭誥意莫令堂下譙糟魄

素心蘭

盆蘭抽箭三四十初陽照影剛到席主人不忍矜獨賞連晨好事來詩客嗟余老嬾怕吟詠移坐隨時味芳澤幽懷相對如淡山熱客何勞鬧行屐此邦素心珍建產論價未嫌捐璧尺豈知花意無遠近俱養高衙等荒僻天公有意護靈種浪藥凡葩非所惜園林一夜西風狂埽盡鴛魂與蝶魄

證昔東籬園悔餘

以今證昔百無十畫舫一編空枉席題襟舊館重結構想見盧曾盛賓客籬園雅材閱臺館來爲名邦施采澤壺園散吏與麋和畫燭高堂照裙屐多情好事乃習氣坡語無端量隼尺噫余靜坐少酬對正苦新涼成冷僻歸雲促迫不成陣破壞闌珊天

不惜安得早見月升霄玉宇金波濯吾魄

制府曾滌生侯相以閩武至揚州見余校刊大字注疏
已有端緒爲之甚喜賦呈一律鐙花云云昔年戲語也
尙記得否

聯吟韵事記西塲忽判雲泥二十年鐘鼎圭璋公不朽江湖圖
史我猶顛要扶文教培元氣竊附經心翊聖權一點鐙花長不
落試看光燄燭江天

五月十一日初嘗荔支十八枚竟夜不適戲吟二十八
字

壬申

積雨新晴得嫩涼滿城傳到荔支香誰知久別翻成醉愧對傾
城十八娘

易支名

題應敏齋方伯申江輿誦冊子

教養尋常事絲勞有萬千我知經緯苦難恃畫圖傳滬上春風
徧吳中水利先時艱仍滿眼何日杞憂蠲

倉恩竹樵中丞

手顫腰疲百體慵豈知心氣更惺忪可憐少壯編摩事開卷都
如隔世逢

雨後蓬門頗嬾開癡孫時盼大官來兼旬喜返高軒過道古論
文兩秀才

聞道羣僚少和章詩壇一例有關防德清太史西湖長擊鉢聲
聲宮應商

光明心地萬形呈近體尤工賦物情梅影蘭心描寫盡讀來冰
雪滿懷生

節入三庚暑欲逋疾雷日送雨聲廳好邀顧陸丹青手爲寫奇

峯巒變圖

題沈仲復觀察鰈硯庵圖卷

剖石得鰈來瑞文房笑牛脾之形似儼魚目而生光鳳皇和鳴
雛羽在旁海晏秋清琴靜墨香是爲沈氏之傳硯永延璇闥文
字之祥

東洲卹堂詩餘

道州 何紹基 子真

聲聲慢 和張石州韵題蔡小石治春圖

秋清如水瀉向空庭問詩思有誰濃盼取黃花朝朝佇立西風
其君行年半百少年場雨捲煙空應嬾記樓頭楊柳江上芙蓉
賴有近來聯轡正琴尊互荅文史從容搔首青天幾曾辜負
渠儂爭耐酒闌鐙炮膠江南碎錦繁紅遲膠醒臙一鉤殘月落
在軒中

前調 題蔡小石官閣吟寒圖仍次前韵

梅花如湧不解何時已開到十分濃驚起詩人溪宵破帽臨風
皺雙眉行入窺凍吟毫止當書空誰記得銀屏翡翠繡梅芙蓉
到得木天清暇對琪花錦樹著意形容猛憶空山老梅難免

嗤儂忙把硯屏收卻誓拋除刻翠雕紅還領取萬枝冰雪貯滿懷中

百字令 用朱竹垞題煙雨歸耕圖韻題王麓屏扇舟歸養圖

江天無際看片颿高挂便非朝士春夜離尊千萬緒一念思親而已細雨魚香疏風筍美鄉味都同此升堂潔膳性天樂在茲耳歎我東觀隨班西顧僦屋聽車聲流水鄉思縣縣團作癡散落漁村煙市昨日花朝萱堂命酒說起田家事聞君歸養向兒稱道良是

幕山溪 詠殘菊題王梅溪卷子

甲寅秋杪在蜀

江山踟躕遍那是秋歸處雪裏客還家已滿眼楓毬荻絮離邊一笑尙有未殘香相遲佇吾歸矣恩怨由君訴金鞍未住探遍

名花樹不道晚秋回還逢著奇葩無數清狂怎解祝汝好禁持
養風露閒朝暮載酒來尋汝

前調

酒龍詩虎南北才人聚爲汝不勝情忙檢點詞腔笛譜殘枝淡
藥偃蹇忽相親頻回顧西風魯颯颯還吹汝羣芳溢圃都入
輪迴數百日晚香多能長抱秋心支柱玉梅何處休待早春來
才傾吐相遲佇共領冰霜趣

前調

橙黃橘綠走遍蠻山路相嶺雪花巖迴首看驚湍大渡重陽過
了不見有黃花眞虛度還癡想要把秋光補荒籬仗汝竟勸
秋光駐知是主人回趁西風花鮮葉舞枝枝欲語要把歲寒心
頻頻訴休矜詡本性天生與

前調

花花艸艸闌遍羣芳譜異采與濃香禁不得風鑿雨妒新寒到
眼要個傲霜姿同遲暮勤延盼且向東籬步 秋淡如許老盡
黃花鬪落落兩三枝點晴空光芒照宇貞心不齟齬我半衰人
須持護休狂舞向少年場去

前調

詞畫不了故有此篇

新詞妙畫累幅紛無數都爲耐寒枝斗精神滯毫製譜高姿澹
格冑被汝癡生狂點點安吾素消受閒風露 今知改矣剛盡
塵詞句止古鼎焦琴破蟬蛩殘碑斷檣攜同幾個歷落不羈人
清無語休仍拒此意無今古

前調

師小山寫殘鞠矮幅屬題

宜官哲裔古思盈襟抱不看世閒花莽撐胸奇峯怪島翩然折

節為汝半殘枝偏傾倒羊嶺初寫出幽人貌
東籬偃蹇耽受
風霜飽兀自瘦亭亭逞丰神鷹拳蟹爪真形脫現縱使徑全荒
長相保憐兒小聚裏秋多少

水龍吟

題呂秋塍學使舊藏唐六如秋江送別圖卷

秋塍濟南試竣又將按部覓沂故詞尾及之時丙辰
在歷下

天邊寒鴈聲聲驚觸起詞人離唱柳瘦楓肥馬遲船疾這般惆
悵綠華年解元才子那般疏放問鳳皇橋下送它來去費多
少閒瀟浪笑我江南游倦乍秋殘大明湖上葦花白盡柳絲
黃遍醉眠漁舫一簾醒餘尋詩覓畫又成魔障羨使君蕩節看
山到處把才人訪

江水令

孫紀堂同年以一驪交桂兒帶往都門贈友

騾行未十里竄回舊寓紀堂令僕人強曳行而去余聞之曰此義騾也漫填一闕

古來多少名才肯輕被無端羈絆舍舊謀新把從前氣力成春
膠甫出西門忽思東首跳開城甕問主人何事不憐騏驎容易
向它人送可歎曹南司馬幾年來丹山飢鳳固窮何困難難
要學顏淵屢空望汝騰驤一贊百豆安心受用效西施去越歸
吳爲汝主人分痛

百字令 題孫紀堂同年衣冠大像四闕

偉哉孫子擅皖公奇秀平津儒雅粉署才名今水鏡權作曹南
司馬負弩防河焚舟斷賊禁得効人罵

天恩除授頭銜太守非假誰意藿葉方榮芷蘭剛避芬馥當
春謝涇渭濁清終辨別不待分犀躍冶相應角端威生櫛具豈

竟沈淪者歎一笑三年暫學瘖

紀堂腦後有奇骨

蒼茫水國有翩然飛集鷗閒鶴野跌宕同年三退空

謂余兩人及彭雪嶺

踏遍畫船吟柳十里明湖四圍古柳萬輩多於稼秋來秋去時

光無術堪把正好繡上色絲圖成團扇補旗亭佳話何苦代

兒孫設想到碁枯鐙炮表聖外卿一般作達難得癡心化強

邀題詠任塗壤君休詫

猛然開看見巍哉大像使人驚怕料得將來難動筆預倩名工

描寫蟬繡三花貂冠四品本色無挪借何須做作椶鞋桐帽滿

灘等著伏臘良辰家家祭祖檢出新鮮畫迴避卻門神竈髻

梢向幽齋高挂爆竹親燃斑衣環拜笑語陳杯竿而翁快活待

吾生愛了也

初生墮地想試嘵英物赤光光乍錦褕香嬰襁束苦跳浪儘它

掃摺漸染文章侵尋蔽佩更酒巾詩帕看看六十豐腴皺面還
赭但願願養勤加百齡握券壽壓耆英社橘裏圍棋籠裏坐
安靜雞窠度夜行樂新圖聽孫曾輩粉本更番打這張閒噫做
廢紙摧燒罷

賀新涼

旅居寂寂忽想填詞嵇春園山長見示萬紅

友詞律閱其凡例知與我同一門外也漫填二闋請
教

自問真知否偶然閒豪吟緩拍蘇辛秦柳半世埋頭詩句裏
識陰陽反紐還愛聽南詞北口試問金元唐宋際者源流畢竟
誰分割披樂志徒紛糾霓裳法曲飄零久賸餘波附庸樂府
汗牛詞藪今日恰逢門外客笑倒萬君紅友此律古來知必有
若止差排同異處較妍媸嬌嬈皆癡垢何路放才人走

天籟君知否到喉開宮商律呂大鳴小叩當日旗亭來畫壁除
卻高王詩變誰更是製歌名手此事須兼才與學莽詞鋒怕棘
秦青口呆寫去又增醜平心再讀閒消酒也難爲驅探獺祭
短長奇偶它日江南歌舞地逢著詞壇耆耆要討箇真傳確受
且把新腔高唱起繞梁時金石聲聲有寒月落夜風吼

金縷曲

初習倚聲因病卽歇仲衡製金縷曲挑我旣
次韵會之複製此奉東春源左祖二字偶然率筆勿
罪勿罪蘇常殊調則夙聞之潘季玉張仲遠希明示
我

眞箇山東好有明湖靈巖佛岫供人遊獻跌宕江南舊詞伯少
壯客游今老喜幼子童孫盈抱坐擁皋比三十載悄停杯容得
幽花傲招勝友酒觥倒公榮不飲神偏悄止靜看敲碁賞畫

有歡無惱左祖鄉邦紅友律爲我斟評新稿我不信蘇常殊調
問道從公休吝惜病餘身快索梅花笑飛韻去勤商校

前調

仲衡譜金縷曲見慰勸令填詞遣悶余近日甫

萬事惟閒好也還須驅清曠健儘憑吟歎一病巾旬新沐起添
得鏡中顏老乍根觸平生幽抱肩荷些些身世債苦爭持難把
天公傲卻怎有便顛倒喜君詩骨同寒峭勸呵凍填詞按譜
藉祛煩惱自審鸞哥嬌學語要向鳳皇偷稿不願與鳩鳥同調
庭下蠟梅奇兀甚濟南蠟梅極少庭前乃有此樹待花時其作銜杯笑且先把
量見校

沁園春

余芝香太守見惠新到冬筍命酒徑醉時甚

盼江南捷音

城南敝廬老柳初髡寒梅已胎且聽墨磨人朝朝寫篆將癡換
酒夜夜擎杯滿囊冰齧半盤霜韭醉看閒雲去復來沈吟際爲
平安竹報盼斷江淮忽分太守清齋玉版參禪第一回喜錦
襖層層雛萌蛻出瑤簪寸寸凍土掀纔白鴈方歸銀鱸上釣好
語江南豈浪猜仍翹盼祝風憐雪信莫又吹開連日大風而有雪意

朝玉階 李仲衡除日納姬索詩迫無以應爲填小詞

妒煞詞人李種蘅君酷嗜填詞自號種蘅詞人漫天風雪裏耐卿卿悄簾瞞

著我同盟別來纔幾日種花成

癡癡學媚尙無情蟾圓三五夜笑盈盈婦人年十五唾絨私語脫香

紅倩郎頻側耳可分明仲衡病聲

紅袍布被短柴荆卻名流交偏魯諸生暫宜消受夜香清玳筵

須少醉易三更

眼前兒女玉崢嶸
展展懷往事淚縱橫
虧它眉嫵破愁城
新詞翻舊譜喜遷鵲

顛腳催詩動酒兵
好花勤自惜嬌批

平邀我見姬人評余無以答

問途已媿

廿年贏手荒慵著
子冷楸枰

街頭爆竹萬千聲
殘冬餘幾刻是新正
客來可餉閉門羹
拜年

原俗事免將迎

君言明年初一不拜年

酷相思

四月廿七日夜雷雨次日晨起東詩船少宰

丁巳在都

老畫眉翁何鞅掌
撇撥寒成孤想止
閒坐亂書堆蕭散
花兒也同誰賞
杯兒也同誰放
夜來雨腳敲千杖
幾陣離雷莽把春
後地皮爬透蚌
豆子也非常旺
麥子也非常長

滿江紅

詩船翦牡丹見貽

一翦雙枝何緣到手擎逾顛多止爲別了家國關人庭院日嫩
不曾離繡幄風輕乍可迴銖扇況隔籬疏雨乍飛來禁持倦
前幾日看愈戀今與昨剛拋閃歎酒暈鐙昏詩酣紙戰殘寢五
更香到枕幽魂紫影來相絳莫輕忘拜賜老船翁多方便

水龍吟

對雨東沈朗亭少農澁園

煎煎炎候黏人忽吹到峭風驟雨前宵餞夏同舟仙子吾廬酣
聚前月杪日潘伯寅聞說先生玉霄退直劇相垂注那池南池
北萬荷花裏是嫌我詩魂處彭子嘉同飲嚴齋記得久芬芳室扇兒圓對花掀
舞醉餘別後舊時愁態收藏多許積想成潮閒眠似水其誰同
語問西山夙約撥雲雙杖莫忘游侶

水調歌頭

東城醉歸望月復酌題潘季玉橫塘泛月

圖用東坡韻

己未在都

何用展圖畫燕樹隔吳天問橫塘泛船處仿佛隔多年我亦江南游倦寄語閒鷗鷺休使舊盟寒明月久隨我長在卽離閒醉歸來敲白板警奴眠空庭靜夜翹首還似昨宵圓命酒重邀對影何必畫船簫鼓萬事莫求全酒醒望舒落孤燭嬌娟娟

金縷曲

題季玉秋宵話別圖

白月催人老止尋常門前分手教人煩惱動說風雲千萬里生怕妻孥知覺算止有閒鷗猜到浩蕩江湖天地外海東頭一樣波心照清澈底自知道蒼茫浩劫何從料十年來蠻風瘴雨鵝唳猿啼我輩些須離合事何忍自傷懷抱況漸漸蠻霜難掃金玉精神勤保齋儘撐持擔荷能多少閒冷暖合拋了

前調

臘月十九日卽事

今日東坡壽計詞流儘饒佳會肯招叩否予季溫文能好事笑

調哥哥媛宴請權代羈仙消受玉貌珠喉三五輩載香醪滿

來坡友楊與李定誰某子愚喚清音小部爲子作饒黃壽臣

黃州赤壁游蹤久飽留連沙邊故壘堂前細柳滾滾大江東去

浪往事不堪回首且贏得尊前笑口賤子與公千載契鶴南飛

補獻新詞奏離緒起酒波皺王子春過黃州徐石民太守款開

殉節聞古迹俱煨矣今日酒

前調 二十日出都夜宿黃屯

乍一寒如此猛回思昨宵愁醉遽成流水兩月白頭兄弟聚更

有良朋親昵將就得老媛歡喜黃壽臣趙心泉一夜車輪心上轉想諸

孫劇望翁歸矣將歲暮別懷起閒雲去住何關繫枉宗工挑

燈贈句誼真詞綺壽陽寄謝詞壇諸舊侶別緒煮詩尤美最怕

見絲纏到底雪信茫茫星亮大北風狂絮被吹成紙甘領受這

滋味

前調 憶家

念卻公公老看諸孫嬉娛茁壯破吾煩惱劇愛阿鍾馳驟筆天性祐兒偏好識字儘傻瓜頑跳九九銷寒年事近憶長安日把歸期禱紅爆竹買應早佳兒佳婦人家少鎮思量琴尊圖史滿供吟嘯憐汝清娛操作苦有女慣隨兄嫂新添箇吳娃嬌小百本金英都謝未屈指來又蠟梅開了懸想起舊先到出門時菊百盆待歸來賞玩時未圖歲暮始歸也

前調

祀竈日作

此關在廿四日途中欲雪一闌之前

設祭詩隨竈諒尊神聰明正直萬般通曉請把膠牙餚緩嚼近作一編呈教悅聽得微微嗤笑我忝有官司鼎鼐煮新詩殊少酸鹹妙搔首去向天告上書自許文章好引風船一官頽放

幾年孤嘯何苦爲歌行韻病雕鉞心肝孔竅還說要災吾黎黎
覆瓿非無些子用礙吾庖減卻薪柴料焚筆硯力當效

前調 東張詩舫陳子鶴黃壽臣趙心泉

酒戶原非大怪無端千鍾倒盡快如瓶瀉止爲頻年間散慣養
就腸寬腹間正輦下消寒吟社異士忽從天外至碾歡場肯把
衰庸謝離索苦儘陶寫醒時筆凍吟喉啞半醺餘借君豪楮
酬君杯斚醉帖一揮三四十奇語自天飛下又成了一宵佳話
風月蒼涼歸去也睡齁齁一枕珍無價才睡起敝車駕

前調

古福吾生腆華山碑人閒三本都經吾眼止有四明完幅狂氣
壓樓頭萬卷全范再傳錢印阮四載度西甌老屋謹褰池二嶽
橫齋扁園半畝又流轉元儒婁壽經師衍耐殘碑孤星缺月

墨花如薜者古今逢風子後楊又不惜千緡購輦肯借與兼旬
尋展每日午窗鉤勒細雨三行靜覺嚴寒遣他翠墨且閒搨

前調 廿四日途中欲雪

乾得天無魄乍沈陰同雲彌布幾曾畱隙白日逃形霄壤閉突
樹荒煙堆積更破廟孤邨荒驛整幅北風圖不卷有寒鴉飛動
來痕迹隨意補兩三筆 馬蹏蹴起塵三尺那堪容騎牛童子
跨驢詩客惟有老游燕趙士薄笨儘它顛擲就破坑也還安席
但祝一天濃雪下洗冬溫活透陳根麥真樂事此行役

前調 廿五日夜劉智廟大雪

薄酒難成醉喜衾窩清眠輾轉奇溫無比猜破陰陽消息理定
有雪花飛至漸聽到雞聲寒悶萬戶沈沈車馬寂五更頭有白
無天地鐙影縮不成睡 平生絕少黏牽事止終年雨暘寒燠

鎮填舊次一路詩懷惟盼雪今夜住南劉智出燕境到齊無棣迴首

楓棱天尺五應

誠祈播遍

三壇瑞年歲好洗兵易

金縷曲 同梅根居士飲於李季眉觀香室暢閱書畫

主人出示近詩居士倚聲記事次其韵得二闕時方

自訂舊稿故有首句

辛酉長沙

叢囊忘年載猛蒐尋殘篇賸句待誰評改自古長沙才子地近日蕭條文采盛衰事難詢真宰幸接同心羅與李惜惺惺意止惺惺解真得髓有人在送春時節傷心倍乍歸來親朋近局舊醅新菜不是園林文字飲那處有真瀟灑好風月苦無人買

今日紫藤花下酌
誦新詩消得情如海
笑痼疾逢蝦蟹

前調

錦軸連車載到名家寸線尺楮天成難改詩畫書詞都一理高
韻古情奇采有正氣來爲之宰似水清淡淡澈底漫聽它老嫗
都能解百季後幾家狂狂談逸興今宵倍咄嗟閒滿壺香酒
滿盤鮮菜尻士醉餘工按拍字字風飄雨灑問可有扁舟能買
與子徑隨漁父去權歌聲聳入蒲荷海狎鷗鷺侶魚蟹

前調

奉禽念園竝束研生

古井何季載木犀香撲尋無處嘉名未改

念翁居古桂花井

下有歸來

司馬宅中外聲名風采待翔翥卽躋衡宰一笑翩然稱病愛
吾廬真意知誰解軒冕外性靈在梅根尻士豪情倍傍幽棲
釣詩賒酒佐穀添菜昨夜聯吟聲出屋驚起狂霖飛灑看百萬

珠璣誰買引得寒蟬清嘯作和歌聲更待陳心海枯筆響爬沙蟹

前調 賀仲肅雨中招飲卽事四用研生韵

世德忘季載看門闌炎涼枯苑素風無改五六雨餘當世傑經
濟風流文采最後有嶺南賢宰今日書聲仍滿屋試論文童稚
都能解老成識典型在 節臨初夏滂沱倍且招邀菜根香屋
菜香園菜君住菜根香巷買有於菜香園我祝狂霖吳楚遍徑把氛煙灑灑好
賣劍都將牛買依舊十年前世界任蟻公游嶽還浮海何忍效
斷中蟹

前調 自題瘞鶴銘全拓本

鶴與人千載篆銘文任風潮打形神未改當代滄洲能耆古浪
底星辰全采問誰是江陰真宰絳樹丹邱都一例豈仙詞定要

仙家解

各密余識為絳密明
明是半字作象也

水拓本庚藏狂

奇蹤劫後珍逾

倍記前歲使君攜酒山僧燒菜畱得江天金石韻不受蠻風吹

灑只翠墨苦難尋買今日高堂懸巨軸感神蛟吐雨疑翻海堪

一笑爪如蟹

戊午春仲喬鶴齋鵬我於焦山周開鶴銘幸俱無
恙惟山僧希少無從得拓本耳鶴銘水捐余洗後

得三本昨日
南鄉出蛟

前調 新置山莊

浩劫經年載楚材多忠誠血戰天心其改赫赫將星明似月闇

澹轉成奇采

胡宮保病
危得安

相倚仗握符元宰

謂官節相

風雪滄江鷗鷺

過艸堂資忝荷綠囊解眞恤士古情狂

躬耕敢惜勤勞倍看

從古許多幽士負薪挑菜歎我紅塵牽惹慣笠屐便還瀟灑問

鉏耒幾時才買連日閉門閑煮字忽狂霖浩蕩如傾海想秧馬

化成蟹

前調 戲荅研生兼柬念園心海七用前韵研生昨倒

用前韵

忽到干戈戰漫矜誇森嚴壁壘將壇無改此日竟成强弩末又
把沁園春采老尻士茫無主宰我有堅城攻不破笑談閒坐看
重圍解何必問錦囊枉更兼愛字癡憨倍儘貪求似擔爭道
如傭販菜還是怡芬翁近道瓦枕藤牀清灑有團扇新詞競買
最羨陳郎煙雨裏破溟濛一櫂浮珠海尋舊廖捉連蟹立夏後
少有時
片至四月十二未申之交烏雲蔽空狂風奇雨斗至研生謂是
蛟異夜酌後填詞三闋蓋疾如風雨也陳心海即日之官嶺南

前調 柬研窈老弟兼荅伯宜世兄贈詞

一研忘年載閱風塵天球不琢性真難改發越英華歸令子信
有壯思濃采合付與管城爲宰馬上橫翔能舞槊看書生一笑
烽煙解文武事并包狂抱經老研歡應倍擁書叢石潭棲隱

種田鋤菜白首弟兄還送歲重借雪堂墨灑織金縷又將春買
似此高懷根福慧羨一家占盡詞華海嗤俗子混電蟹

滿庭芳 潘德輿寓我於海山仙館之玲瓏室喜而有

作癸亥在粵

第一名園海山仙館好景無數包藏主人耽古金石富文章往
歲高樓載酒宴天上持節星郎今宵樂科頭散髮漁父託滄浪
商量先占得玲瓏怪石飽受清涼看斜軒霞皺雪閣風長一
片荷花如海有無限綺麗風光重攜酒慢搖蘇舸貪爲荔支忙

看軒雪閣皆園中最佳境仿吳門蒲鞋頭船題曰者蘇州阿

前調 荔支灣宴集用東坡韵

使節狂游早窺東海晚歲西眺岷峨越閩黔嶠偏占使星多此
日扁舟嶺外猛來聽紫洞清歌酣嬉甚塗牆浣壁笠屐又東坡

婆娑誰信道端陽節近風月如梭尋荔支香處醉倒金波十
五年前柳樹添長了無數長柯頻看鏡蒼顏半老還耐著漁簑

前調

別潘德興伍紫垣

潘氏有天盤琴齋
伍氏有粵雅堂

春水生時游思奇縱卷起鄉瀛瀟湘老龍船泊斜日豆欄黃

地名

幾曲玲瓏書室消受得風月壺觴還諄約海邦文獻它日待平
章蒼茫才幾日又無端別緒魂縈情詳記天蠶琴齋粵雅書
堂大好珠江夜景有十里月色花光煩圖畫因風寄我附興鷹
飛忙

前調

瀧神祠下泊瀧神卽昌黎也

炎日高山鼎湖奇瀑千仞直下嵯峨峽山詩卷兩世感懷多嬾
看英州石色當年爲鄭俠悲歌韶州過舟行石縫何日得平坡
無何到處是危灘斗壩顛擲如梭羨騎牛牧豎短笛高歌敬

叩龍神祠宇聯扁字挂遍庭柯公應笑眼中來去盡買舶漁簑

水調歌頭

甲子除夜到吳門住吳平齋抱壘室移梅

對酒醉後作書戲填此詞用東坡韵邀潘玉涇顧子

山同作

忽見古梅樹共我醉中天問梅今幾經歲與我訂忘年記得石頭城下又到瓊花古觀衰艸莽荒寒招我族魂返尙在海山閒
正除夜抱壘室得安眠奇花破萼疑笑照我孌兒圍繞案金尊銀燭滿地驚蛇走虺樂事一時全豪氣忽然斂靜對影娟娟

前調

潘玉涇招飲養閒州堂看梅同吳平齋

風雅舊詞伯戰罷海門天乍歸來相公府閒藉酒爲年瞥見暗香疏影又復奇柯怪藥三窵共消寒休誚我頽老元傲兩君閒
別來久無恙枉健瀟眠石湖煙靄與人面都向酒杯圓羅列

鼎彝書畫環作古梅供養福讓此花全更小池窠石疏竹影娟娟

前調 乙丑正月初九日立春

四序縱然有何日不春天聽兒童競歡舞說是過新年恰被天公妒弄一陣峭風奇雨更比去季寒消息竟何似曳杖老梅間春已來梅未覺正慙眠梅雖不語冬與春早看成圓我似虛角觸物又似墮車醉酒吾自樂吾全此意竟誰解笑破古梅娟

前調

由吳門往上海李笙漁同行賦贈

正月十三夜正好試鐙天乍翩然買船去何處不新季無故猛風奇雨又復奔雷掣電吹動六花寒推枕不成寐尙在醉醒閒有詞客攜翠袖得清眠無端驚破香牕今夜恐難圓打疊蓬窗詩酒莫問上元煙火樂事漫求全冷澹有餘味寒藻弄清娟

前調 倉笙漁來詞意

何處有憔悴歡倒醉中天乍掀髯共歌歡忘卻我衰季頗耐於
今才雋慣逐天桃穠李誰肯戀清寒難得笙漁子伴我雪風閒
半生裏煩笠屐減漁眠尋山訪友良願知到幾時圓尊酒斟
量今古寸管憑陵山海何暇問虧全閒話復狂笑雲水冷娟娟

前調 十四夜作

人有好奇癖恰遇好奇天笑無端買船去海上看新季竟日高
歌爛醉一任風顛雪倒相對不知寒醉臥矮篷底殊勝市廛閒
問鷗鷺在何處聚頭眠水光添黑難畫山影白成圓安得銀
花火樹更有繁絃脆管鑼鼓十番全催得嫦娥起萬里見嬋娟

卜算子 用坡韻

遙背雪聲轟且閉蓬窗靜兩岸青山怎得青窈見青山影 盟

罷卽呼樽此意人誰省對酒無端百感生酒罷翻饒冷

調笑令 卽事用坡韵

漁父漁父破笠衝風冒雨雪飛滿簑衣無計得魚暮歸暮
歸暮鐙火上元何處孤鴈孤鴈飛向瀟湘遠岸家書倩汝攜
還道我今宵苦寒寒苦寒苦三日裏門外住

西江月 闕蘇辛詞用坡韵

消受山寒水靄任吾抹月批風蘇辛小令摘成叢夜半聲如飢
鳳莫笑篷窗冷瀟燭光照得通紅兒時嬉戲早成空爛漫鐙
球入夢

行香子 用坡韵

飛雪如塵堆雪如銀不多時山水難分聲聲爆竹船上酬神看
風中浪雲中鴈客中身殘書作伴鐙火相親逢時過節假和

真影形相賀難著它人且休聽雨待看月欲嘲雲

阮郎歸 用坡韻

無端容易別蘇臺布颿遲未開天公著意與疑猜雨停風又來
才過雨雪花催雷聲吁可咤天公遊戲仗多才令吾春思摧

菩薩蠻 用坡韻

迴頭尙見城門扇風頭三日何曾轉枕上忽心驚雪聲如雨零
新春何艸艸天嬾都緣老能不羨人間人閒長少年謂笙

水調歌頭 上元日雷電風雨雪並至用坡韻

今日上元夜例是月華天正值吳越烽埽同慶

中興季豈料霹靂駭雷倏又猛風奇雨釀就古來寒把酒察天
意將信半疑閒 歎多少遭浩劫付長眠縱然明月千里照得
幾家圓爲是天公不忍但願人心自省莫便說安全試想凍雲

裏皓魄自嬋娟

前調 雪凍船不能開仍返吳門賞梅作

正好百千萼開向早春天忽翩然轉初醒拋撇侶經年禁受空
江冷雨將就茅柴荒酒凍硯自號寒明日返吳市坐我萬梅閒
影疏密態偃仰餘行眠萬千紅紫誰侶君面面都圓我愛梅
花如此未必梅花愛我情緒兩邊全一笑破雲出孤月瘦娟娟

百字令 黎越喬前輩日記中錄余題王麓屏扁舟歸

養圖百字令用竹垞韵一闕羅研生方訂其遺集轉
錄見示不勝悽感即用元韵得四闕奉題騰方山莊

詩集後

丙寅十月十八日

春明才藪儘貫珠聯璧碩儒魁士欲叩性情真至處落落幾人
而已事業根源文章統緒消息端歸此越喬逝後斯言難入人

耳 愛我楮墨酣嬉詩詞敏麗謂此珠騰水規我懸言招誚讓
戒我門庭如市藥石銘心韋弦在佩期許無窮事負吾良友今
吾嬾漫猶是

先公門下記中湘後進翰林吉士子舍諸郎皆弟畜一見摯情

難已拜母升堂攜兒寄祿臭味真如此聯姪寄名鄉下廿年契雅回頭

尙眼前耳 愴道來去分明文章淵奧酸淚如鉛水仲子與君

蹤迹昵多在野亭書市傳附疇人詩傳舊舊羸了浮生事憐渠

知己除君外更誰是君輓子毅弟云來去分明翼作尋常生或看文章淵奧可容一二外人知子毅講算

學同人擬附入騷人傳存詩甚少沅湘書舊集中采之

顧祠初建古雙松庭院聚英多士都道與君諧際甚一味虛懷

而已春八羞蘋秋觚薦菊文宴常如此不知今日騷壇誰執牛

耳 聞說時事方殷勝流仍萃海納羣川水舊日畫圖諸玉貌

不數放翁吳市我返家園君歸兜率樂敦誰人事澁欲亭長儼

靈光歸然是自癸卯春余創建願亭林祠春秋及生日祭朝參

都耳君亦壽陽門下士也

瞻方遺藁賴究心文獻梅根兄士盈篋諫書無處問公論歎歎

難已故友搜珍佳兒拾墜定本才存此燭霄光燄將來自足傳

耳且喜奕奕汗青琅琅版墨照古荷池水記得銜杯譚執樂

歡傲天街槐市醋蠶尋詩

孤棧奏賦細碎詞章事昂藏懷抱固應千百於是

前調十一月十一日消寒小集望雪

一秋閨雨又冬晴誰向蒼天呼顙孤院沈沈叢竹響乾鵲飛來

無數蘆鴈晨嬌茅龍夜煥何處尋寒趣吾廬風味六花應到詩

句幾日陰冶陽鑪奇溫峭冷剛把同雲鑄瞥眼風停圓月上

東坡先生集卷之二十一
天意蒼茫無據說是消寒寒先避了忍得金尊住勸賓歸去怕
宵淡雪凝沍

前調 十五夜對月

中榆前後正季時萬象韜藏光景大地空明宜點綴玉戲天公
閒騁皓魄東升眾星西轉立盡枯桐影歎吾癡絕一身風露冰
冷道是南至書雲中宵幾望自有唐都省何事素娥寒不斂
照得萬家虛靜盼汝瓊葩鋪成寶界襯出光奇迴聲聲殆管怎
催得玉龍醒

前調 次韵龔研生感懷作

古長沙地問美人香艸是何風景十數年來名將出湘勇義風
馳騁埽盪江南侵尋河北漸戢機槍影憐余幽獨抱文章太淒
冷賴有精舍荷池梅根居士肯過從存省纂古述今褒貶起

全仗此中虛靜笑我空空終季元元心共長天迴有何孤負梅
花春夢將醒

滿庭芳 五月十九日新燕來巢喜填二闕

燕子來兮燕來何處海角便是天涯春歸久矣爛漫闌闌花何
事珊珊遲到輸乾鵲讓徧慈鴉丁甯告將勤補拙晚蓋計非差
嗟呀我儕冗湫隘安頓嬰娃看汝商量半月幸不心遐爲念
衰翁冷澹來伴我同話桑麻開門蚤聽梁閒絮語真是田家
毛羽天生怪它燕子情性慣會依人畫樓軒敞爲掃舊埃塵偏
要舞高就下銜泥至簾底逡巡真親昵任癡兒女哢笑雜嬉噴
良辰風雨住街頭響屐坐上延賓見飛來飛去閒暇精神好
待新雛哺出才償汝萬苦千辛生機滿吉祥如意勻作兩家春
前調訪蘇公祠由滄浪亭歸漫填一闕贈賈芸樵同

年

歸去來詞書訓契順寶墨定在吳閭緣何流轉聞粵至淮揚雨
後蘇祠訪古尋舊屨步入滄浪添惆悵夕陽歸路和燕子商量
商量吾肥代道坡公嶺外陶令柴桑有松有菊何處不家鄉
看我銜泥補草幾曾問白屋雕梁芸樵安甘季宦海可自計行
藏

南鄉子 甚暑晨過芸樵不值

天把萬人陶收盡黃梅赤日燒老硯欲傾三峽注乾焦病擊慵
將蚓篆描 帶酒憶前宵一枕熏騰悶若潮流水游龍爭蚤出
喧囂且憩東鄰飲馬橋

前調 芸樵竟日未至怕熱可想再倚奉東

高臥北窗陶街上炎塵似火燒老友分甘來解渴波焦

承惠波羅蜜及

芭蕉

異狀輪囷費畫描

淩雪度所宵賴有韓蘇海與潮差喜

門前無剝啄停鷺闌得樵翁嬾過橋

前調 頃聞芸樵今晚請客熱如此奈何恐須改俟雨

後小詞奉柬

老亞負甌陶簞硯荒餘豈待燒欲把瑤琴祛畏景桐焦流水高山不可描 鶴語靜中宵四野蛙聲沸若潮午後蜂衙剛散盡停鷺燕子梁間架小橋

附

張詩舲招同陶嶷鄉丈沈朗亭世兄看花小酌卽事填

詞次老舲樂府元韵丁巳

南商調
臨江仙

九十春光都過了無端野興雲高佳時莫放意蕭蕭振
衣清侶鶴策蹇健如螯

金索挂
梧桐

閒雲任汝飄白月由它小生就顛狂從不管旁人笑琅

玕杖一條輒如橈扶著個半衰人來過橋門途近一彎兩轉行
行到難遇著瘦沈吟詩止酒陶誰猜料有無數花枝向我招漫
需索桂脯蘭肴前腔盃柳瓢剛一覷神傾倒

前腔

官衙例萬條賺上魚兒釣擺脫榮華喫睡都公道浮生癭

一遭淺堂坳有老大風波驚跌了古松喬老舲翁恰解哈哈笑
曾偷得綏山千歲桃忘煩媼萬花如火又如潮薰得來天地也

癡嬌譜笛勻簫好腴嫩的龐和貌

前腔

春明樂事饒值得春光老大波西山別後顏逾好春歸夏

已交望江南柰楚尾吳頭音信遙就眼前依然綠徧瀛洲漫

追攀雲罩松盤石佛高頻顛倒下山三日癡猶勞喜今茲竹裏

花梢紉蕙貽椒贏得占場兒早

余方游西山回

劉潑帽

花光照澈亭臺好醉來時訝似淡宵借君畫舫眠香艸

疑盪搖搖入渚蒲汀蓼

前腔

天香國色何須表便離根碎錦也風騷聲聲羯鼓花奴老

莫亂敲防驚破花魂小

前腔

卷波酒罷風來埽紫藤花配出女兒態殘英幾樹然鐙照

呆畫描畱取個憐香稿

詩餘家製藤花態甚美

尾聲

看花福氣畱餘妙平索看精等再瞧肯浪把幽懷全洩了

東洲艸堂詩餘卷終

東洲艸堂詩餘

三